

# Suegro di Director di Asuntonan di Exterior di Aruba asesina na Colombia

## Na Caminda pa Japon Tico Croes mester a regresa Aruba

ORANJESTAD(AAN)--

Cobranza di un suma di placa, cu nan tabata debe, a bira origen di su morto. Nan a basha bala ariba dje y mate den su negoshi. Tico Croes, Director di Asuntonan di Exterior di Aruba, tabata na caminda pa Japon, ora el a worde informa di morto di su suegro na

Colombia.

Tabata ayera cu a drenta e informe for di Colombia, cu e suegro di e Director di Asuntonan di Exterior di Aruba, Tico Croes, a worde asesina cruelmente na Colombia.

Segun informacion, e suegro di Tico Croes ta doño di un joyeria na Baranquilla Colom-

bia. E tabata den su negoshi ora e mester a atende cu un homber, cu tabata debe un suma di placa. E homber aki no tabata tin intencion di paga pero a dicidi di start un discusion.

Despues el a saca un arma y a cuminsa dispara ariba e doño di e establecimiento, cu a muri casi na mes momento. E caso ta

bao investigacion di Polis, cu a mustra cu nan tin pista di e asesino.

Señor Tico Croes mes na e momentonan tabata na New York, na caminda pa Tokio. E tabata forma parti di e delegacion oficial di Aruba, cu ta realiza un bishita na Japon. El a worde poni na altura di e

suceso y a interumpi e viahe pa e ta na lado di su esposa.

Mientrastanto, manera por a spera, rumornan a cuminsa plama cu e suceso tabata tin di haci cu e caso Triana. Pero esaki no tabata berdad, ya cu fuentenan bon na altura a bisa DIARIO cu esaki tabata un caso completamente separa.